



2026-yil "26" yanvar 265/02-13-son

## Respublika ijro etuvchi hokimiyat organlari

## Tovar yoki moliya bozorida ustun mavqega ega bo'lgan xo'jalik yurituvchi subyektlar

## Davlat ishtirokidagi korxonalar (ro'yxat bo'yicha)

O'zbekiston Respublikasi "Raqobat to'g'risida"gi Qonunining 9-moddasi hamda Vazirlar Mahkamasining 2021-yil 2-martdagi 114-son qaroriga muvofiq faoliyatning raqobat to'g'risidagi qonunchilik talablariga muvofiqligini ta'minlash, ularning buzilishi xatarlarini aniqlash va mazkur xatarlarning oldini olish maqsadida respublika va mahalliy ijro etuvchi hokimiyat organlari, tovar yoki moliya bozorida ustun mavqega ega bo'lgan xo'jalik yurituvchi subyektlar, davlat ishtirokidagi korxonalar hamda yuridik shaxslarning birlashmalari faoliyatida **monopoliyaga qarshi komplayens** tizimi (keyingi o'rinlarda – tizim) majburiy tartibda joriy etilishi belgilangan.

Yuqorida qayd etilgan qonunchilikka asosan tizim joriy etilishida tovar yoki moliya bozorida ustun mavqega ega bo'lgan xo'jalik yurituvchi subyektlar tomonidan quyidagi ishlar amalga oshirilishi belgilangan:

- tizimni joriy etish, uning ishlashini ta'minlash hamda monitoring qilish maqsadida **mas'ul shaxs (bo'linma)** tayinlash;
- tizimni tashkil etish va uning ishlash tartibini belgilovchi **ichki nizom** ishlab chiqib, belgilangan tartibda tasdiqlash;
- raqobat to'g'risidagi qonunchilik hujjatlari talablarining buzilish xavflarini kamaytirish va ularning oldini olish maqsadida har yili **"yo'l xaritasi"** ishlab chiqib, unda belgilangan vazifalarning amalga oshirilishini ta'minlash.

Qonunchilikda belgilangan vazifalarning ijrosini to'liq va sifatli ta'minlash maqsadida quyidagilar so'raladi:

**2026-yilning 16-fevral** sanasiga qadar korxonangizda tizimni joriy etish, uning ishlashini ta'minlash hamda monitoring qilish maqsadida mas'ul shaxs

(bo‘linma) tayinlashingiz va bu to‘g‘risida mazkur xatning 1-ilovasidagi jadvalga muvofiq Qo‘mitaga ma’lumot taqdim etishingiz;

**2026-yilning 27-fevral** sanasiga qadar esa ichki nizom va “yo‘l xaritasi”ni ishlab chiqib, tasdiqlagan holda Qo‘mitaga taqdim etishingiz so‘raladi.

Ishda foydalanish uchun ichki nizom va “yo‘l xaritasi” namunalari ilova qilinadi.

Shu o‘rinda alohida ta’kidlash joizki, Qo‘mita korxonangizda tizim faoliyati samarali yo‘lga qo‘yilishida ko‘maklashish va hamkorlik qilishga tayyorligini bildiradi.

*Ilova 9 varaqda.*

**Rais o‘rinbosari**



**U. Davlatov**